



UNIVERSITI  
TEKNOLOGI  
MARA

Cawangan Perlis  
Kampus Arau

# Buletin InTouch

@ UiTM Cawangan Perlis

Edisi:  
2022

## Mendukung Misi GRU2025

Fokus Utama Amanat Rektor  
UiTM Cawangan Perlis Bagi  
Tahun 2022

### Menarik di dalam



UiTM Cawangan Perlis Jalin Kerjasama  
Bersama Korea Sports Promotion Foundation  
(KSPO) Korea Selatan



Program Hari Hutan Sedunia (21 Mac),  
Hari Air Sedunia (22 Mac) dan Ulang Tahun  
Penubuhan Trash Hero Perlis Yang Ke-3




UiTM Cawangan Perlis Jalin Kongsi  
Kepakaran Kepada Komuniti  
Orang Asli Melalui ESKOM  
2022



Majlis Menandatangani Memorandum  
Perjanjian (MoA) Antara Universiti  
Teknologi MARA (UiTM) Dengan  
Universitas Gajah Mada (UGM)  
Indonesia

## UNIVERSITI TEKNOLOGI MARA PERKASA KERJASAMA DALAM BIDANG PENYELIDIKAN, INOVASI, KEUSAHAWANAN DAN PEMBANGUNAN PELAJAR DENGAN EMPAT INSTITUSI DARI DALAM DAN LUAR NEGARA

Oleh:  
Eliy Nazira Mat Nazir  
Shahrir Aizat Kamaruddin



**ARAU, 6 SEPTEMBER 2022** – Dalam usaha memantapkan kerjasama dalam bidang penyelidikan, inovasi, keusahawanan dan pembangunan pelajar, Universiti Teknologi MARA (UiTM) hari ini mengorak langkah dengan menandatangani Memorandum Perjanjian (MoA) dan Memorandum Persefahaman (MoU) dengan Universitas Islam Riau, Indonesia; Universiti Tunku Abdul Rahman (UTAR), Malaysia; VTS Universe Sdn Bhd, Malaysia dan Malthai Hub, Malaysia secara maya.

Kerjasama ini telah diusahakan dengan matlamat menyeluruh bagi menyediakan peluang kepada kesemua institusi terlibat untuk berkongsi pengalaman, rangkaian, teknologi dan sumber masing-masing di dalam penglibatan akademik dan penyelidikan demi manfaat bersama. Ia juga dilihat dapat memberi peluang kerjasama baharu seperti program mobiliti kakitangan dan pelajar, latihan praktikal, penganjuran bengkel dan seminar.

UiTM diwakili oleh Rektor UiTM Cawangan Perlis, Prof Ts. Dr Shukor Sanim Mohd Fauzi dan Timbalan Rektor PJIMA UiTM Cawangan

Perlis, Ts. Gs. Dr Ernieza Suhana Mokhtar.

Majlis turut dihadiri oleh wakil-wakil daripada empat institusi dan industri termasuk Prof. Dr. Syafrinaldi, Rektor Universitas Islam Riau, Indonesia, dan Encik Paudzi Bin Yahya, Pengarah Malthai Hub, Malaysia, serta wakil dari pihak industri.

